

КИТОБ – ХАЛҚЛАРНИ ЎЗАРО ҲАМКОРЛИК ВА ТАРАҚҚИЁТГА ЭЛТУВЧИ ЙЎЛ



Муяссар Болтабоева,
Алишер Навоий
номидаги Ўзбекистон
Миллий кутубхонаси
Илмий-методик ва
тадқиқот хизмати
бош мутахассиси

«Китоб ҳамкорлик
ва тараққиёт йўли»
XII Халқаро китоб
кўргазма-ярмаркаси
ва илмий
конференциясининг
асосий мақсади –
миллий
нашриётчилик
соҳасидаги
муваффақият ва
ютуқларни намойиш
этиш, туркман
халқининг адабий
меросини тарғиб
қилиш ва дунё
халқлари
адабиётлари
билан
таништиришдир

Инсоният тарихида китоб яралганидан бери кишиларни эзгу ишларга йўллаб келмоқда. Инсонни комиллик сари етаклайдиган, ақл-идрокини бойитадиган ва одобга ўргатадиган бебеҳо неъмат бу, шубҳасиз, китобдир. Кўп мутолаа қиладиган инсонлар доимо эзгуликка интилади, дунёқараши кенг бўлади, тафаккури ривожланади, жамиятнинг маданий ва ижтимоий ҳаётида фаол бўладилар. Китоб шунингдек, турли халқ ва миллатларнинг тили, маданияти, анъаналари ва қадриятларини ўрганишда энг муҳим восита сифатида хизмат қилади.

Жорий йилнинг 2-3 октябрь кунлари Туркманистон пойтахти Ашхобод шаҳрида «Китоб ҳамкорлик ва тараққиёт йўли» мавзусида XII Халқаро китоб кўргазма-ярмаркаси ва илмий конференцияси ташкил этилди. Тадбир Туркманистон давлат нашриётчилик хизмати ва Туркманистон Савдо-саноат палатаси томонидан ўтказилди.

Навбатдаги китоб кўргазма-ярмаркаси ва илмий конференция «Туркманистон – Буюк ипак йўлининг юраги» шиори остида ўтказилди. Ўзбекистон Республикасидан «Шарқ» нашриёт-матбаа акциядорлик компанияси, «Ўзбекистон», «Ўзбекистон миллий энциклопедияси» нашриётлари ва Алишер Навоий номидаги Ўзбекистон Миллий кутубхонаси мутахассисларидан иборат делегация ушбу тадбирда қатнашишди.

«Китоб ҳамкорлик ва тараққиёт йўли» XII Халқаро китоб кўргазма-ярмаркаси ва илмий конференциясининг асосий мақсади – миллий нашриётчилик соҳасидаги муваффақият ва ютуқларни намойиш этиш, туркман халқининг адабий меросини тарғиб қилиш ва дунё халқлари адабиётлари билан таништириш, дунё нашриётчилик саноати тажрибасини ўрганиш, шунингдек, китоб ноширлари, китоб тарқатувчилар, полиграфия жиҳозлари ва ус-

қуналарини етказиб берувчи ташкилотлар ўртасида алоқаларни ўрнатишдан иборат.

Халқаро китоб кўргазма-ярмаркаси ва илмий конференцияси иштирокчилари – Туркманистон, Қирғизистон, Қозоғистон, Ўзбекистон, Молдова, Белоруссия, Туркия, Россия, Украина, Эрон, Буюк Британия, Жанубий Корея, Хитой, Албания каби давлатларнинг миллий ва халқаро нашриётчилик, китоб савдоси компаниялари ва ташкилотлари, ноширлар ва китоб тарқатувчи ассоциациялари, муаллифлик-ҳуқуқий ташкилотлар, шунингдек, полиграфия асбоб-усқуналари ва материалларини ишлаб чиқарувчи компаниялар вакилларида иборат бўлди.

Очилиш маросимидан сўнг Туркманистон ҳукумати вакиллари Туркманистон савдо-саноат палатасининг кўргазмалар павильонида юксак савияда ташкил этилган кўргазма-ярмарка иши билан яқиндан танишиб чиқишди. Ташкилотчилар ва меҳмонлар ҳар бир иштирокчи давлатга ажратилган павильонга алоҳида ёндашишди ва намойиш этилган китоб маҳсулотлари уларда катта қизиқиш уйғотганини айтиб ўтишди.

Тадбир биринчи куннинг иккинчи ярмида Туркманистон Савдо-саноат палатасининг катта мажлислар залида кўргазма доирасида илмий конференция бўлиб ўтди. Илмий конференцияда хорижий давлатларнинг вакиллари маъруза билан чиқиш қилишди.

Шунингдек, китоб кўргазма-ярмаркаси доирасида Туркманистон Президенти Гурбангули Бердимухамедов муаллифлигида рус тилида чоп этилган «Туркманистон – Буюк ипак йўлининг юраги» (II китоб), «Онага эҳтиром – муқаддас қадамжого сажда», «Туркманистоннинг доривор ўсимликлари» (10-жилд), «Туркманистон барқарор ривожланиш мақсадлари йўлида» китобларининг тақдимоти бағишланган меҳмонлар, ижодкорлар ва талабаларнинг ижодий учрашувлари бўлиб ўт-



ди. Шунингдек, хорижий меҳмонлар иштирокида «Таржима санъати» ҳақида ва чет тилларида нашр қилинган туркман халқ эртақлари тўғрисида давра суҳбатлари ташкил этилди.

Ўзбекистон Республикаси павильонида намоиш қилинган китоб маҳсулотлари тадбир меҳмонлари, китоб муаллифлари, ёзувчилар, шоирлар ва кенг китобхонларда жуда катта қизиқиш уйғотди. Бу туркман халқининг ўзбек мумтоз ва замонавий адабиётига бўлган қизиқишларини яққол намоён этди. Айниқса, ўқувчи-ёшларнинг замонавий ўзбек адабиётига қизиқиши жуда катта фахр туйғусини уйғотди.

Шуниси фахрланарлики, кўرғазма-ярмарка иши давомида Туркменистон давлати оммавий ахборот воситаларида Ўзбекистон Республикаси павильонида намоиш қилинган нашрлар ҳақида жуда кўп кўрсатувлар бериб борилди. Делегация аъзолари томонидан маҳаллий телевидение, газета ва журналларга интервьюлар берилди ва тезкорлик билан чоп этилган нашрлар муаллифларга тақдим қилинди.

Шунингдек, ташкилий кўмита томонидан эълон қилинган танлов номинациялари («Йил китоби», «Йил дарслиги», «Болалар китоби», «Бадий нашр», «Китобнинг энг яхши полиграфия ижроси», «Нашрнинг энг яхши полиграфия беази», «Илмий-оммабоп нашр») бў-

йича I, II, III даражали дипломлар билан тақдирланди.

«Шарқ» нашриёт-матбаа акциядорлик компанияси томонидан чоп этилган «Заҳриддин Муҳаммад Бобур» энциклопедияси «Илмий-оммабоп нашр» номинацияси бўйича II даражали диплом билан тақдирланди. Шунингдек, делегация таркибида иштирок этган Ўзбекистондаги нашриётлар диплом ва эсдалик совғалари билан тақдирланди.

Икки кун мобайнида бўлиб ўтган китоб кўрғазма-ярмаркаси ва илмий конференция давомида 20 дан ортиқ давлатларнинг ноширлик ва матбаа йўналиши мутахассислари, китоб муаллифлари ўзаро фикр ва тажрибалари билан ўртоқлашдилар. Нашриётчилик ва полиграфия соҳасига оид энг сўнгги янгилардан хабардор бўлишди, шунингдек, замонавий ёндошув, эришилган ютуқлар билан танишдилар. Ўзаро ҳамкорлик бўйича музокаралар олиб борилди ва битимлар тузишга келишиб олинди.

Хулоса қилиб айтиш мумкинки, китоб дунё халқларини қайси тилда сўзлашишидан қатъий назар бир-бирига яқинлаштирувчи ва жипслаштирувчи жуда кучли восита ҳисобланади. Китоб инсониятнинг буюк кашфиёти сифатида ўзининг қудратини намоён қилишда давом этаверади. Китобга ошно инсон эса ҳеч қачон эзгу ишлардан, маърифат улашишдан чарчамайди.



Икки кун мобайнида бўлиб ўтган китоб кўрғазма-ярмаркаси ва илмий конференция давомида 20 дан ортиқ давлатларнинг ноширлик ва матбаа йўналиши мутахассислари, китоб муаллифлари ўзаро фикр ва тажрибалари билан ўртоқлашдилар

Муяссар Балтабаева, главный специалист научно-методической и исследовательской службы Национальной библиотеки Узбекистана имени Алишера Навои

Автор статьи пишет об участии в XII Международной книжной выставке в городе Ашхабаде под названием «Книжное сотрудничество и развитие» и девизом «Туркменистан является сердцем Великого шелкового пути». Из Узбекистана участвовали представители АК «Шарқ», «Национальной энциклопедии Узбекистана», а также специалисты Национальной библиотеки Узбекистана. Основная цель международной выставки – это продемонстрировать достижения в области Национального издательского дела, кроме этого показать литературное наследие туркменского народа, ознакомиться с мировой литературой и опытом мировой издательской индустрии. В международной книжной ярмарке участвовали издатели около 20 зарубежных стран. ■